



**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

7. Callisto cur in ursam.

[urn:nbn:de:hbz:466:1-68709](#)

convictorum & maledictorum aculeis momordit, proscidit, dilaniavit.
Midæ aures in asininas migrâsse diximus; quô depravatum aurium judicium, & stolidæ præcordia mentis insinuantur, qui Panis Fistulam solus omnibus dissentientibus cithara Apollinis, hoc est, iniqua æquis, mala bonis solebat anteferre. Hæc clarius patebunt ex ijs, quæ porrò in explicatione fabularum prosequemur.

VII. (g) Hic loci adjungenda Lycaoni est filia sua *Callisto*, quæ comes fuit Dianæ, & nomen à pulchritudine accepit. Quæ cùm à Jove vitiata fuisset (nam hujus deorum Rectoris flagitia passim traducuntur à Poëtis, ut significant, cum magna fortuna plerumque magna vitia conjuncta esse) Diana, quippe integratissima studiosissima, tantum abominata scelus, eam è consortio suo repulit. Non minus detestata pellicem Juno, eam commutavit in horridam *ursam*. Poëtam audiamus; Juno furens ait:

Haud impune feres: adimam tibi namque figuram,
Qua tibi, quaque places nostro importuni marito.
Dixit, & arreptam prensis à fronte capillis,
Stravit humi pronam, tendebat brachia supplex:
Brachia cœperunt nigris horrescere villis,
Curvarique manus, & aduncos crescere in unguis,
Officioque pedum fungi, laudatique quondam
Ora Jovi, lato fieri deformia rictu:
Nevé preces animos, & verba precantia flectant,
Posse loqui eripitur! vox iracunda, minaxque,
Plenâque terroris rauco de gutture fertur.
Mens antiqua tamen factâ quoque mansit in ursâ,
Assiduâque suos gemitu testata dolores,
Qualescumque manus ad cœlum & sidera tollit.
Ingratîunque Jovem nequeat cùm dicere, fentit.
Ah, quoties solâ non ausa quiescere silvâ,
Ante domum, quondamque suis erravit in agris?
Ah, quoties per saxa canum latratibus acta est,
Venatrixque metu venantum territa fugit?
Sæpe feris latuit visis, oblita quid esset,
Ursaque conspectos in montibus horruit ursos,
Pertimuitque lupos, quamvis pater esset in illis.

Ubi nota quædam ad moralem doctrinam pertinentia. 2. Juno, Ze-

G 2

Ioty-

(g) *Callisto Lycaonis filia cur in ursam?*

Iotipiā fervens , arripuit pellicem crinibus , quibus promiscuē viris placere studebat . 2. Strauit eam humi , pugnis contudit , pedibus protrusit altius sese efferentem . 3. In bestiam pilis & pelle horrentem , convertit , quæ venustate formæ luxuriabat . 4. *Mens antiqua mansit in Callisto ; nam mutatā figurā , conscientiæ nihilominus stimulis exagitabatur & ursorum ac luporum spectris , terrorum , inquam , phantasiam , & animum perturbantium percellebatur . 5. Iu quibus peccavit , in ijs est punita ; pro flavis cincinnis , nigros & horridos villos induit . Pro manuum & pedum gesticulationibus , deformes & sœvi ungues succreverunt ; pro faciei elegantia subjerunt rictus aspectu terribiles . Et vox illa blanda , suavisque , in fremitum , & murmur horrifiscum mutata est . 6. Et illi , quos anteā in oculis & in sinu ferebat , amatores scilicet libidinantis formæ , jam quales occurrabant ursorum ac luporum specie . In hæc monstra vertuntur primæ lascivi amoris blanditiæ . 7. Et tamen inter sidera locus huic adulteræ datus est à Jove . Nempe scelus cùm autorem vel adjutorem haber illūstrem , felix putatur . 8. Callisto nomen in cœlo mutavit , & *Arctos* , seu *Vrsam major* (Græcis *Helice*) appellata est . Sæpe quidem mutato criminis palliantur nomine , sed non extinguntur . Haud ignoravit Thetis , maris dea , sideris hujus adulterinos radios , non permisit *Vrsam* cœlestem æquore tingi (id est , aliorum instar astrorum occidendo , sese undis mergere) ne scelerato contactu inficeretur aquarum puritas . Adeò detestanda sunt flagitia ipsis etiam elementis , ut , si rerum omnium supremus moderator annueret , *Orbis serrarum* pugnaret contra insensatos , id est , sceleribus contaminatos , aut si mollius loqui placet , *illustres* , qualis inter astra Callisto fulget . Quid quod *Vrsa* quoque Minor (quæ Cynosura appellatur) è Jovis nutricib⁹ fuisse dicitur . Natalis Comes lib . 2. cap . 1. ideoque cœlo recepta , in quam ingeniosè quidam lusit :*

Hirsutos effæta sinus , scabramque papillam

Gnosia lactenti præbuit *Vrsam* Jovi .

Hinc tenuit primam prima inter sidera sedem ,

Navibus irato suspicienda mari .

Sit vilis , sit inops , sit agresti agrestior ursa ,

Quem regum extollit gratia , sidus erit .

Huc facit , quod de Arcturo , seu Arctophylace sive Bubulco *Vrsam* majoris custode canitur :

Quid facit iste boum sacra inter sidera duxtor ?

Aula Deūm caula est ? arua per astra colit ?

Callisto



Callisto hunc pelle^x genuit: rigidumque procaci
Custodem matri præposuere Dij.
Lubrica res mulier. Rigo custode remoto
Casta nec in cœlo vivere posset Helix.

SYMBOLVM XI.

Homines è lapidibus orti.

I. Metam.

Ethicè.

- 1. Tutela probitatis. 2. Cognitio sui. 3. Homo lapis. 4. Homini laborandum. 5. Informatio ad humanitatem. 6. Præmium probitatis.

DIluvio universali genus omne hominum, demptis illis, qui cum Noacho in arca servati fuere, divinæ ultiōnis immissu interiisse, sacra testatur historia Gen. 7. Neque homines duntaxat, sed animantia pariter rationis experitia illo cataclysmo perierunt. Causa tantæ cladi extiterunt scelera, quæ magis quam aquæ terrarum orbem inundarunt. Neutrum hoc Poëtas latuit, qui, quod subinde monebimus, è quadam divinarum litterarum umbra ansam figmentis suis arripuerunt. Accipe fabulam, & lapideam hominum originem.

In horrenda illa, communique terrarum eluvione Deucalion, Promethei filius, Thessalorum rex, vir pietate præstantissimus, mira Deorum protectione servatus est. Nam cum aquarum impetus omnia obrueret, & ipsa quoque montium cacumina superaret, ipse cum uxore Pyrrha consensò jam ante parvō navigiō (in quod parentis monitu necessaria comporrerant) ad montem quandam in regione Phocide delatus est; qui quod ibidem λαρναξ seu arca aut ratis Deucalionis appulsa esset, initio Larnassī, postea Parnassī nomen obtinuit. Quo in loco, in montis culmine constituti, terræque ac fœdam rerum faciem conspicati, tantam hominum stragem miserantes, suamque solitudinem deplorantes, Numina loci cum alia, tum imprimis Themidem, comprecati, & sciscitati sunt, qua ratione genus humanum, quod jam exceptis duobus illis, interierat omne, reparari posset; id responsi tulerunt, ut uterque velati caput, Magnæ matris ossa retro jacerent. Cujus obscuritate oraculi cum

G 3

diu

